

North America P. II.) consulenda est, et de *Helomysidia* in actis entomologorum Silesiae (*Zeitschrift für Entomologie, Jahrgang 1859.*) satis docui. *Chloropes* demum, postquam prima harum centuriarum apparuit, in iisdem actis (*Zeitschrift für Entomologie 1866*) in minora genera divisi; ut vero aequabilitas quaedam servaretur, in reliquis centuriis a genere dividendo abstinui; sed in decimâ non tantum singulis *Chloropum* speciebus ea genera adscripsi, quibus quaeque inserenda esset, sed etiam in indice generali indicavi, ad quae genera species in prioribus centuriis descriptae pertinerent.

Sunt praeterea nonnulla genera, quae aut prius aut aliis locis condideram. Fortasse non erit inutile commemorare, quae sint ea et ubi constituta sint.

Itaque *Triglyphus* constitutus est in Okenii *Iside* (*Isis von Oken*) 1840;

*Arthropes* in *Ephemeridibus entom. Stetinensibus* (*Stettiner entom. Zeitung*) 1850;

*Bolbomyia* in Loewii *Faunâ succino inclusâ* (*Der Bernstein und die Bernsteinfaua*) 1850;

*Synamphotera* in Giebelii *Annalibus scientiae naturalis* (*Zeitschr. f. d. gesammten Naturwissenschaften*) 1856;

*Cacoxenus* in *Entomologicis mensuris Vindebonensibus* (*Wiener entom. Monatschrift*) 1858;

*Stilpon* in Loewii *Supplementis novis* (*Neue Beiträge Thl. IV.*) 1859;

*Rhincössa* in *Ephemeridibus entom. Berolinensibus* (*Berliner entom. Zeitschrift*) 1865.

*Rhachiceri* genus, quod Halidajus condidit et Walkerus in *Dipterorum catalogum* (*List of Dipterous Insects*) recepit, nusquam quantum scio, notis certis stabilitum est. Sed ab omnibus *Xylophagidarum* generibus facile eo distinguitur, quod tertius antennarum ejus articulus non modo annulatus est, sed etiam annulis bene inter se discretis constat, ac numerus horum annulorum in mare major est quam in foeminâ et numerum, quem reliqui *Xylophagidae* in articulo terminali exhibent, longe superat. Quum *Rhachiceri* species in Europâ quoque detecta sit, alio loco copiosius de hoc genere agam.

In duobus generibus ea nomina secutus sum, quibus plerique auctores usi sunt aut utuntur, quum tamen alia secundum vetustatis legem revocanda sint. Itaque pro *Anthophilinâ* *Anthomyza*, pro *Platypalpo* *Tachydromia* dici debebat. Quâ vero de causâ nomini